

NEWS LETTER

2014

www.fipa.gov.ba

**INVESTICIJSKA
KONFERENCIJA BEAR
ODRŽANA U SARAJEVU 4.
SEPTEMBRA 2014**



**SASTANK DIREKTORA FIPA-E SA
DIREKTOROM MEĐUNARODNE
FINANSIJSKE KORPORACIJE (IFC)
GRUPE SVJETSKE BANKE
ZA ZAPADNI BALKAN**

**PREDSTAVNICI VELIKIH KINESKIH KOMPA NIJA
POSJETILI FIPA-U**



NEWSLETTER BR. 4

SEPTEMBAR 2014

SADRŽAJ

FIPA AKTIVNOSTI ≡

- » Sastanka direktora FIPA-e sa direktorom Međunarodne finansijske korporacije (IFC) Grupe Svjetske banke za Zapadni Balkan
- » Sastanak Suradničke mreže za rad i postinvesticionu podršku stranim investitorima u BiH
- » Predstavnik FIPA-e Nina Pobrić učestvovala na panel diskusiji: "Važnost privlačenja investicija za lokalne zajednice" o okviru Investicijske konferencije BEAR
- » Predstavnici velikih kineskih kompanija posjetili FIPA-u

POSLOVNE VIJESTI ≡

- » Investicijska konferencija BEAR održana u Sarajevu 4. septembra 2014



PRVI INTERNACIONALNI SAJAM I KONFERENCIJE O OBNOVLJIVIM IZVORIMA ENERGIJE I ENERGETSKOJ EFIKASNOSTI U BIH

RENEXPO® BiH događaj, posvećen obnovljivim izvorima energije i energetske efikasnosti, održat će se u Sarajevu 5. i 6. novembra 2014. godine.

RENEXPO® BiH predstavlja ključnu energetska platformu visokog kvaliteta za region cijelog Zapadnog Balkana sa ciljem prezentiranja inovacija, novih proizvoda i tehnologija svim učesnicima, proizvođačima, inženjerima i posjetiocima iz drugih oblasti.

Događaj otvara mogućnost i za ostvarivanje novih poslovnih kontakata, povezivanje sa donosiocima odluka, organima uprave, investitorima i medijima.

RENEXPO® BiH se fokusira na:

1. Drvnu biomasu / Biogas
2. Hidroenergiju
3. Energetska efikasnost - industrija, građevinarstvo, ulična rasveta

Očekuje se oko 70 izlagača, tržišnih lidera iz relevantnih oblasti, preko 400 učesnika konferencija i više od 3000 posjetilaca među kojima i predstavnika BiH opština, ministarstava i naučnih institucija.

Više informacija o učešću na RENEXPO-u možete pronaći na donjem linku:
<http://www.renexpo-bih.com/info.html>

FIPA AKTIVNOSTI ≡



SASTANKA DIREKTORA FIPA-E SA DIREKTOROM MEĐUNARODNE FINANSIJSKE KORPORACIJE(IFC) GRUPE SVJETSKE BANKE ZA ZAPADNI BALKAN



SASTANAK SURADNIČKE MREŽE ZA RAD I POSTINVESTICIONU PODRŠKU STRANIM INVESTITORIMA U BIH ≡



...I JOŠ FIPA AKTIVNOSTI...



SASTANKA DIREKTORA FIPA-E SA DIREKTOROM MEĐUNARODNE FINANSIJSKE KORPORACIJE(IFC) GRUPE SVJETSKE BANKE ZA ZAPADNI BALKAN



Direktor Agencije za unapređenje stranih investicija u BiH (FIPA) Jelica Grujić susrela se 16. septembra 2014. godine sa direktorom Međunarodne finansijske korporacije (IFC) Grupe Svjetske banke za Zapadni Balkan Thomasom Lubeckom. Na sastanku je razgovarano o ekonomskoj situaciji u BiH, projektu kojeg FIPA implementira u suradnji sa IFC-om, te projektima koje će IFC realizirati u BiH u narednom periodu.



SASTANAK SURADNIČKE MREŽE ZA RAD I POSTINVESTICIONU PODRŠKU STRANIM INVESTITORIMA U BIH



10. septembra 2014. godine, u Sarajevu, direktorica Agencije za unapređenje stranih investicija u BiH (FIPA) Jelica Grujić sa suradnicima održala je sastanak sa predstavnicima Suradničke mreže za rad i postinvesticionu podršku stranim investitorima u BiH i Međunarodne finansijske korporacije (IFC), članice Grupacije Svjetske banke.

Na sastanku se govorilo o reformama predloženim u Izvještaju o programu postinvesticione podrške stranim investitorima u BiH (Aftercare), toku implementacije reformi, otvorenim pitanjima investitora i kako rješavati ta pitanja, rezultatima rada Suradničke mreže u prvih šest mjeseci 2014, prednostima, nedostacima, te problemima sa kojima se suočava Mreža u svom radu.

U prvih šest mjeseci 2014, FIPA je, zajedno sa partnerskim institucijama, posjetila 32 preduzeća koja imaju strani ulog, a spadaju u grupu malih i srednjih preduzeća. Zapošljavaju 3,282 radnika. Preduzeća pripadaju metalnom sektoru, drvnoj industriji, sektoru turizma, sektoru poljoprivrede i građevinskom sektoru, a dolaze iz Holandije, Njemačke, Švicarska, Austrija, Švedske, Hrvatske, Srbije, Slovačke, itd. 23 kompanije su najavile investiranje u narednom periodu i nova zapošljavanja.

Među problemima sa kojima se suočavaju, strani investitori navode slijedeće: nedostatak harmonizacije propisa između ministarstava na kantonalnom i entitetskom nivou, politička nesigurnost u BiH, način fakturisanja zdravstvenih usluga za radnike iz različitih kantona/entiteta, nesigurnost u naplati potraživanja, pravna nesigurnost, neunificiranost procedura i nedostupnost informacija, nedostupnost dovoljnog broja povoljnih prostora za investitore, neuređeno tržište /efikasnija kontrola tržišta (nelojalna konkurencija), povećani troškovi zbog analize proizvoda koja se radi u inostranstvu, tretiranje nus proizvoda životinjskog porijekla, implementacija Zakona o obnovljivim izvorima energije, problemi oko implementacije Zakona o prostornom uređenju, itd.

Na sastanku su prisustvovali predstavnici Zeničko-dobojskog, Unsko-sanskog i Hercegovačko-neretvanskog kantona, grada Mostara, te općina Tešanj, Vitez, Žepče, Goražde i Kiseljak. Predstavnici Mreže će nastaviti raditi na otklanjanju prepreka poslovanju u zemlji kako bi doprinijeli povećanju konkurentnosti poslovnog okruženja i povećanju stranog kapitala u BiH.



PREDSTAVNIK FIPA-E NINA POBRIĆ UČESTVOVALA NA PANEL DISKUSIJI: “VAŽNOST PRIVLAČENJA INVESTICIJA ZA LOKALNE ZAJEDNICE” O OKVIRU INVESTICIJSKE KONFERENCIJE BEAR

Općine Teslić, Tešanj i Žepče organizirali su Investicijsku konferenciju 4. septembra 2014. godine u Sarajevu sa ciljem predavljanja investicijskih potencijala i mogućnosti privrede.

U okviru konferencije, predstavnik FIPA-e Nina Pobrić je učestvovala na panel diskusiji: “Važnost privlačenja investicija za lokalne zajednice” gdje se razgovaralo o značaju privlačenja potencijalnih i zadržavanju postojećih stranih investitora, poslovnom ambijentu u BiH, uspješnim primjerima i aktivnostima i suradnji FIPA-e i općina Tešanj, Teslić i Žepče na privlačenju stranih investicija. BEAR predstavlja područje poslovne izvrsnosti (Business Excellence Area) Teslića, Tešnja i Žepča - tri lokalne zajednice s izuzetno dinamičnim privatnim sektorom. BEAR razvojna inicijativa pokrenuta je u septembru 2013. godine unutar projekta među-općinske suradnje. Tri općine su vidjele svoju priliku da kroz međusobnu suradnju na ekonomskom planu privuku više investicija, stvore više radnih mjesta i podrže daljnji ekonomski napredak. FDI magazine Financial Times-a, vodeći časopis u Europi za direktna strana ulaganja, je izabrao BEAR područje među 10 najboljih destinacija za ulaganje u Europi, po kriteriju isplativosti za investitore (2014/15). Mjesto na vrhu liste evropskih gradova i regija budućnosti predstavlja odličnu preporuku za ulaganja u Teslić, Tešanj i Žepče. Događaj je okupio privrednike i investitore u BiH, predstavnike ambasada i međunarodnih organizacija, kao i strane privredne komore, eksperte za poduzetništvo i ekonomiju, predstavnike dijaspore, poslovnih udruženja i institucija u BiH. Organizaciju događaja podržali su GIZ, Njemačko društvo za međunarodnu saradnju i AHK, Predstavništvo njemačke privrede u BiH.

Za dodatne informacije o BEAR inicijativi Teslića, Tešnja i Žepča posjetite www.bear.ba.



PREDSTAVNICI VELIKIH KINESKIH KOMPA NIJA POSJETILI FIPA-U



Direktor Agencije za promociju stranih investicija BiH (FIPA) Jelica Grujić sa suradnicima održala je 1. septembra 2014. godine sastanak sa predstavnicima velikih kineskih kompanija koje su zainteresirane za ulaganja u BiH.

Na čelu kineske delegacije bio je g. Chi Changhai, podpredsjednik China International Contractors Association, a u delegaciji su bili predstavnici dvanaest kineskih kompanija.

Kompanije su pokazale značajan interes za velike infrastrukturne i energetske projekte, a neke od njih su već uključene u realizaciju projekata u BiH.

Na sastanku im je detaljnije predstavljen pravni okvir za investiranje u BiH i izražena spremnost da se, u okviru nadležnosti FIPA-e, podrži implementacija projekata.

Također je konstatirano da kineske investicije u BiH nisu na odgovarajućem nivou, te da postoji prostor za njihovo povećanje.

POSLOVNE VIJESTI ≡



INVESTICIJSKA KONFERENCIJA BEAR ODRŽANA U
SARAJEVU 4. SEPTEMBRA 2014



...I JOŠ FIPA POSLOVNIH VIJESTI...



INVESTICIJSKA KONFERENCIJA BEAR ODRŽANA U SARAJEVU 4. SEPTEMBRA 2014



Općine Teslić, Tešanj i Žepče organizirale su investicijsku konferenciju 4. septembra 2014. godine u Sarajevu sa ciljem predavljanja investicijskih potencijala i privrednih mogućnosti ovih općina.

BEAR predstavlja područje poslovne izvrsnosti (Business Excellence Area) Teslića, Tešnja i Žepča - tri lokalne zajednice s izuzetno dinamičnim privatnim sektorom. BEAR razvojna inicijativa pokrenuta je u oktobru 2013. godine unutar Sporazuma o međuopćinskoj suradnji. Tri općine su vidjele svoju priliku da kroz međusobnu suradnju na ekonomskom planu privuku više investicija, stvore više radnih mjesta i podrže daljnji ekonomski napredak.

BEAR razvojnu inicijativu je nagradio "FDI magazine" Financial Times-a, vodeći časopis u Europi za direktna strana ulaganja. "FDI magazin" je izabrao BEAR područje među 10 najboljih destinacija za ulaganje u Europi, po kriteriju isplativosti za investitore u martu 2014. godine. Mjesto na vrhu liste europskih gradova i regija budućnosti predstavlja odličnu preporuku za ulaganja u Teslić, Tešanj i Žepče.

Na događaju su se okupili privrednici i investitori u BiH, predstavnici ambasada i međunarodnih organizacija, kao i stranih privrednih komora u BiH, novinari, urednici i stručnjaci za poduzetništvo i ekonomiju, predstavnici dijaspore, poslovnih udruženja i javnih institucija u BiH.

Organizaciju konferencije je podržao GIZ- Njemačko društvo za međunarodnu suradnju i AHK- Predstavništvo njemačke privrede u BiH. Za dodatne informacije o BEAR inicijativi Teslića, Tešnja i Žepča posjetite www.bear.ba.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Rade Bitange 30
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
ure Daničića 1/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA